

## DISTOKET

---

*Diou wech* { Gwechall, pa oan-me pôtr yaouank,  
                   Kalonigbihan mignon,  
                   Me moa choazet eur vestrez kouït  
                   *Ma charmante brune . . .*  
                   *Ah ! qu'il fait bon marcher*  
                   *Au clair de la lune !*

*D. w.* { Eun devez e moa-me sonjet,  
                   Kalonigbihan mignon,  
                   E renkjen monet d'he gwelet  
                   *Ma charmante brune . . .*  
                   etc . . .

Pa oan o tisken gra ar Roz,  
                   Kalonig . . . etc.  
                   Me e klevet anhaner noz  
                   *Ma charmante . . . etc.*

An avel ar glao a oa yen  
                   Ha me oa gleb . . . na ouie den

Pa oan arru etal he dor,  
                   Na greden ket goulenn digor.

Dre doull an alhone me gleve  
                   Trôuz he alan en he gwele.

— « Va mestrez, digorit ho tor :  
                   Ho servicher a c'honl' digor ! »

— « Digerri 'n nor d'ar poent-man' noz ?  
                   . . . Digant va zad me 'glevo kroz ! . . .

## — 14 —

« It da varchosi ar c'hezeg  
 Da gaout va mevel da gonsket ;

• Ha warc'hoaz vintin, pa zavin,  
 Me raïo d'ec'h ho tijuni

« Me raïo d'ec'h souben al lêz,  
 'Vo mad d'ec'h 'vit ho kwall-nozvez. »

— « N' on ket deut aman, va mestrez,  
 Evit goulenn souben al lêz,

« Mez, 'vit ho koulenn da bried,  
 Pa neuz va c'halon ho choazet.

« 'Vit ho koulenn digant ho tad,  
 Ha 'vit ho kaout a galon vad . . .

Tri re vontou a meuz uzet,  
 Va mestrez, o tout d'ho kwelet. »

— « Mar d'oc'h skuiz oc'h uza boutou,  
 C'houi a raïo eur galochou.

« Eur galochou 'vo hir ha berr  
 A 'vo mad d'ec'h 'vit chom er gér ! »

· · · · ·

Ha setu penôz, va zud kêz  
 Ec'h on-me chommet dizimez.

Ar zon-man a zo anavzet mad tro-war-dro da Vontroulez. Moullet eo bet en *Kanaouennou Breiz-Vihan* (Karaïz, Moullerez ar Bobl, Champion, édit. Paris, 1911), gant an ton pp. 46 bagall.

